

### সহজ পুরুষার্থীর লক্ষণ

বাপদাদা তাঁর স্নেহী এবং সহযোগী বাচ্চাদের দেখে পুলকিত হচ্ছেন। স্নেহ আর মিলনের শুভ আকাঙ্ক্ষা - এই দুই শক্তির আধারে নিরাকার এবং আকার উভয় বাবাকেই সাকার রূপে সাকার সৃষ্টিতে নিয়ে আসার নিমিত্ত হয়ে যাও। তোমরা বাচ্চারা স্নেহ এবং গভীর অনুরাগের বন্ধনে বাবাকেও বেঁধে নিয়েছ। মেজরিটি এখনও মাতারাই। মাতাদেরই স্নেহবন্ধনে ভগবানকেও বাঁধার দিব্য কার্যকলাপ চিত্রে দেখানো হয়েছে। কোন বৃক্ষের সাথে তাঁকে বাঁধা হয়েছিল? পূর্ব কল্পে বেহদের কল্পবৃক্ষের সাথে তাঁকে স্নেহ এবং নির্ভর বন্ধনে বাঁধা হয়েছিল যা এখন রিপটি হচ্ছে। এইরকম বাচ্চাদের স্নেহের রেসপন্সে, স্নেহ আর গভীর অনুরাগের যে রসি দিয়ে বাবাকে বাঁধা হয়েছিল বাপদাদা সেই রসি দুটোকে হৃদয়-সিংহাসনের আসনে লাগিয়ে দোলনা বানিয়ে বাচ্চাদের দিয়ে দেন। এই কল্পবৃক্ষের মধ্যে তোমরা যারা তোমাদের পাট অভিনয় করছো, এই দোলাতে তারা অনবরত দুলতে থাকো। তোমরা সবাই তো দোলা পেয়ে গেছ, তাই না! দোলায় বসে নড়ে যাও না তো? স্নেহ আর নির্ভর রসি সদা মজবুত, তাই না! দোলায় বসে ওপর নীচে অর্থাৎ অস্তির হয়ে যাওনা তো! দোলা তোমাকে দোলাতেও সক্ষম আর উঁচুতে ওড়াতেও। যতই হোক, যদি সামান্যতম ওপর নীচ হয়, তবে নীচে ফেলেও দেয়। দোলনা তো বাপদাদা সবাইকে দিয়েছেন। তাহলে এতে অনবরত দুলছো তো! মাতাদের নিজেদের দোলার আর অন্যকে দোলানোর অনুভব হয়, তাই না! যে বিষয়ে তোমরা অনুভাবী, বাপদাদা সেই বিষয়েই তোমাদের বলেন। কোনো নতুন কিছু না। তাই না! অনুভব করার ব্যাপার তোমাদের সহজ লাগে নাকি মুশকিল মনে হয়?

আজ এখানে কিসের সম্মেলন? তোমরা সবাই সহজ যোগী, সহজ পুরুষার্থী, সহজ প্রাপ্তির প্রতিমূর্তি নাকি কখনো সহজ, কখনো অসুবিধার যোগী? সহজ পুরুষার্থী অর্থাৎ হিমালয় পর্বত সমান কোনো সমস্যা এলেও সেটা উড়তি কলার আধারে সেকেন্ডে পার হয়ে যেতে পারে। পার করা অর্থাৎ কোন কিছু থাকবে যা পার করতে হবে। সবকিছু তোমরা সহজেই পার করে সেসবের উর্ধ্বে উড়ে যেতে পারো নাকি কখনো পাহাড়ের ওপরে নেমে আসো, কখনো নদীতে আর কখনো বা জঙ্গলে নেমে আসো? তাহলে তোমরা কি বলো? এখান থেকে আমাকে বার করো! নাকি আমাকে বাঁচাও! তোমরা নিশ্চয়ই তাদের মতো নও, তাই না? তোমরা মাতারা একই ব্যাপারে বারবার আর্তনাদ করোনা তো, করো? ভক্তির সংস্কার সমাপ্ত হয়ে গেছে, তাই না! তোমরা অর্থাৎ দ্রোপদীদের আর্তনাদ শেষ হয়ে এসেছে নাকি এখনো তোমাদের আর্তনাদ চলছে? তোমরা এখন অধিকারী হয়ে গেছ, তাই তো! আর্তনাদের সময় সমাপ্ত হয়েছে। সঙ্গমযুগ প্রাপ্তির সময় নাকি আর্তনাদের সময়? সহজ পুরুষার্থী হওয়া অর্থাৎ সবকিছু পার করে সহজভাবে সর্বপ্রাপ্তি। সহজ পুরুষার্থী সদা বর্তমান এবং ভবিষ্যৎ প্রারন্ধ লাভ করার অনুভাবী হবে। তাদের প্রারন্ধ স্পষ্টভাবে তাদের কাছে প্রতীয়মান হবে যেমন তোমাদের স্থূল দৃষ্টিতে সব বস্তু প্রতীয়মান হয়। বুদ্ধির অনুভবের নেত্র দ্বারা তারা তাদের প্রারন্ধ দেখতে পাবে অর্থাৎ দিব্য তৃতীয় নেত্র দ্বারা। সহজ পুরুষার্থী প্রতি পদে শতগুনেরও অধিক আয়ের অনুভব করবে। এইভাবে তুমি নিজেকে সর্ব ঐশ্বর্যের ভাণ্ডারে পরিপূর্ণ সঙ্গমযুগী আত্মা অনুভব করবে। কোনরকম শক্তি থেকে, কোনরকম ঐশ্বর্যের ভাণ্ডার থেকে, জ্ঞানের পয়েন্ট থেকে, খুশি থেকে বা নেশা থেকে তোমরা কখনও খালি থাকবে না। খালি হওয়া পড়ে যাওয়ার সাধন। গাড্ডা হয়ে যায় যে,

তাইতো তোমরা গাড্ডায় পড়ে যাও । গোড়ালিতে সামান্য মোচ লাগলেও তোমরা আকুল হয়ে যাও ! এই বুদ্ধিরও মোচ লাগে, সঙ্কল্প বাঁকা হয়ে যায় । সর্ব সম্পদের শক্তিশালী ভাণ্ডারে পরিপূর্ণ হওয়ার বদলে কমজোর আর খালি হয়ে যাও । আর সেটাই তোমাদের সঙ্কল্পকে মচকে দেয় । এইরকম কেন করো ? তারপরে তোমরা বলো রাস্তাই বাঁকা ছিল । তোমরা অসাধু নও ? বাঁকা রাস্তাকে তো সোজা করতে হবে, তাই না ! তোমরা শক্তি অবতার কিসের জন্য ? যা কিছু বাঁকা সেটা সরল করার জন্য । কি কন্ড্র্যাক্ট তোমরা করেছিলে ? এই হলের ভূমিকে অসমান থেকে সমান বানিয়েছ, সেইজন্য তো তোমরা আরামে বসে আছো । সুতরাং হলের কন্ড্র্যাক্টরকে জিজ্ঞাসা করো, সে কি কখনো ভেবেছিলো, ভাঙাচোরা সোজা করতে গেলে মোচ লাগতে পারে ! সে সবকিছু মসৃণ করেছে নাকি কত বাঁকাচোরা তাই নিয়ে ভাবতেই থেকে গেছে ! কখনো সে ডিনামাইট দিয়ে পাথর ভেঙেছে, কখনো পাথর দিয়ে গাড্ডা ভরেছে, মেহনত তো করেছে, তাই না ! তোমরা সবাই তো স্বর্গ বানানোর কন্ড্র্যাক্ট নিয়েছ, তাই না ? অসমান সবকিছু সমান বানানোর কন্ড্র্যাক্টই তো তোমরা নিয়েছ ! এইরকম কন্ড্র্যাক্ট যারা নেয় তারা তো বলতে পারেনা রাস্তা ভাঙাচোরা ! হঠাৎ পড়ে যাওয়া, এটাও অ্যাটেনশনের অভাব । মনে পড়ে তোমাদের, সাকার দিনগুলোতে কেউ পড়ে গেলে কি করা হতো ! সেই বাস্কার টোলি বন্ধ হয়ে যেত, কেন ? যাতে সে ভবিষ্যতে অ্যাটেনশন দেয় । টোলি দেওয়া কোনো বড় ব্যাপার নয়, টোলি তো বাস্কারেরই জন্য । কিন্তু এটাও স্নেহের এক রূপ । টোলি দেওয়া যেমন স্নেহ, টোলি না দেওয়া, সেটাও স্নেহ । তাহলে তোমরা কি ভাবলে ? তোমরা কি বলবে হঠাৎ পড়ে গিয়েছিলে নাকি রাস্তা বাঁকা ? পুরুষার্থের এই পথে এখনও তেমন ভিড় কোথায় হয়েছে ! এখনো তো নয় লাখ প্রজা তৈরিই হয়নি । এখন এক লাখেই খুশি হচ্ছ । (৮৩ তে সংখ্যা ছিল এক লাখ ) পুরুষার্থের এই মার্গ বেহদের মার্গ । সুতরাং বুঝেছ সহজ পুরুষার্থী কাকে বলে হয়ে থাকে ! যাদের মোচ লাগেনা বরং অন্যের গাইড হয়ে সহজভাবে তাদেরকে রাস্তা পার করিয়ে দেয় । সহজ পুরুষার্থীর যে শুধু লাভ আছে তাই নয় লাভের তারা মধ্যে ডুবে যায় । ভালোবাসায় নিমগ্ন এমন আত্মারা সহজেই চারিদিকের ভাইব্রেশন এবং বায়ুমন্ডল থেকে দূরে থাকে, কারণ ভালোবাসায় লীন হওয়া অর্থাৎ বাবা সমান শক্তিশালী এবং সব পরিস্থিতিতে সেফ থাকা । সুতরাং সমান হওয়া সবচেয়ে বড় সেফ । এই সেফ থাকাই হলো মায়াক্রফ । তাহলে তোমরা বুঝেছ সহজ পুরুষার্থ কি ! সহজ পুরুষার্থ অর্থাৎ কোনো অসাবধানতা নেই । কেউ কেউ অসাবধানতাকেই সহজ পুরুষার্থ মনে করে চলে । তারা সদা বিপুল ধনভান্ডারে পরিপূর্ণ হবেনা । অমনোযোগী পুরুষার্থীদের চরিত্রগত নীতিবোধ তাদের মনের ভিতরে কুড়ে কুড়ে থাকে আর বাইরে তারা গীত গাইতে থাকবে । কি গাইতে থাকবে ? তারা তাদের নিজের মহিমা গাইতে থাকবে । সহজ পুরুষার্থী নিরন্তর বাবার সঙ্গ অনুভব করবে । তোমরা সেইরকম সহজ পুরুষার্থী ? সহজ পুরুষার্থী সদা সহজ যোগী জীবনের অনুভব করতে পারে । তাহলে তোমরা কোনটা পছন্দ করছো ? সহজ পুরুষার্থী নাকি মুশকিল কেউ ? তোমাদের সহজ পুরুষার্থী পছন্দ, তাই না ! মনপছন্দ জিনিস যখন বাবা দিচ্ছেন তো নিচ্ছ না কেন ? না চাইতেও এটা হয়ে যাচ্ছে, এই শব্দও মাস্টার সর্বশক্তিমানের বোল নয় ! যদি তোমাদের ইচ্ছা একরকম হয় আর কর্ম অন্যরকম হয় তবে কি তাকে শিবশক্তি বলা হবে !

শিবশক্তি অর্থাৎ সর্ব অধিকার যার আছে, অধীন নয় । সুতরাং সেই ভাষা তো ব্রাহ্মণের ভাষা নয়, তাই না ! তোমরা তোমাদের ব্রাহ্মণ ভাষা তো জানো, তাই না ! সঙ্গমযুগের অনেকটা সময় অর্থাৎ সঙ্গমযুগের সহজ প্রাপ্তির সময় চলে গেছে । এখন সময় আর অল্পই বাকি আছে । এতেও সময় এবং বাবার থেকে বরদান প্রাপ্ত করে নিজেকে সহজ পুরুষার্থী বানিয়ে নিতে পারো । ব্রাহ্মণের পরিভাষাই

হলো কঠিনকে সহজ বানানো । এটাই ব্রাহ্মণের ধর্ম, কর্ম । জন্মে এবং কর্মে ব্রাহ্মণ অর্থাৎ সহজ যোগী এবং সহজ পুরুষার্থী হওয়া । তাহলে এখান থেকে তোমরা কি রূপে ফিরে যাবে ?

মধুবনকে পরিবর্তন ভূমি বলে থাকো, তাই না ! ফিরে যাওয়ার আগে মুশকিল শব্দকে তপোভূমিতে ভস্ম করে এবং সহজ যোগীর বরদান সাথে নিয়ে যেও । পরিবর্তনের পাত্র অর্থাৎ দূঢ় সংকল্পের পাত্র যাওয়ার আগে ধারণ করে নিও, তখনই তুমি বরদান ধারণ করতে পারবে । নয়তো কেউ কেউ বলে বাবা তো তোমাদের বরদান দিয়েছিলেন কিন্তু সেইসব আবুতেই থেকে গেছে । তোমরা ফিরে গিয়ে দেখে বরদান তো তোমাদের সাথে আসেইনি । তোমরা যোগ্য পাত্রে বরদান নিয়েছিলে ? যদি নাই নিয়ে থাকো তো সেইসব কোথায় গেল ? যিনি দিয়েছিলেন তাঁর কাছেই তো থেকে গেছে, তাই না ! এইরকম কোরোনা ! তোমরা খুব চতুর হয়ে গেছ । তোমরা তোমাদের নিজের দোষ মানতে চাওনা । তোমরা বলো, আমি জানি না বাবা কেন এটা করেছিলেন ! তোমাদের নিজেদের সব কমজোরি বাবার ওপর চাপিয়ে দাও । বাবা চাইলে এটা করতে পারেন, কিন্তু তিনি করেননা । বাবা দাতা নাকি তিনি তোমাদের থেকে নেন ? দাতা তো সদা দেন কিন্তু যারা নেওয়ার তারা তো নেবেও, তাই না ! নাকি দেবেনও বাবা নেবেনও বাবা ! বাবা নেবেন তো ভরপুর হবে কি করে ! সুতরাং তোমরা অন্ততঃ নিতে তো শেখো । আচ্ছা - তোমাদের মিলন তো হয়ে গেছে, তাই না ? বাবা সবাইকে আমোদিত করলেন, চিত্ত বিনোদন করলেন আর সবার চেহারাও দেখেছিলেন । এই সময়ে তোমাদের চেহারা খুব চিয়ারফুল সবাই খুশির দোলায় দুলছে । তাহলে কি এটা মিলন হলোনা ! মিলন হওয়া অর্থাৎ একে অন্যের চেহারা দেখা । দেখেছিলে তো, তাই না ! তোমরা বরদান যেমন পেয়েছ পাত্রও পেয়েছ । বাকি কি থেকে গেল ? তুমি তো দিদি দাদীর থেকে টোলি আগেই খেয়ে নিয়েছ । যখন ব্যক্ত রূপে নিমিত্ত বানিয়ে দেওয়া হয়েছে, তবে কেন তোমরা অব্যক্ত রূপকে ব্যক্ত বানাও ? দিদি দাদীও তো বাবা সমান, তাই না ! যখন তোমরা দিদি দাদীর থেকে টোলি নাও তখন কি ভেবে নাও ? বাপদাদা টোলি দিচ্ছেন । টোলি নিতে নিতে যদি তুমি ভাবো যে দিদি বা দাদী দিচ্ছেন, সেটাও ভুল হয়ে যাবে । আচ্ছা, তাহলে এখনো তোমাদের টোলি নেওয়ার ইচ্ছে আছে ! যদি টোলি খাবেই মনে করছো তবে বাবার সামনে তো আসবে, তাই না ! তাহলে আজই সবাই কু লাগাও আর টোলি খাও । হৃদয় তো ভরবে না কখনো । হৃদয় ভরতে থাকা উচিত, কিন্তু ভরে যাওয়া ঠিক নয় । যদি সামান্য কিছু খালি থাকে তো সেটাই ভালো । একমাত্র এর মাধ্যমেই তোমরা নিরন্তর নিজেদের ভরতে বাবাকে স্মরণ করবে ! ভরে গেলে তো তোমরা বলবে খাও-দাও আর মজা করো ! আচ্ছা ।

সদাসর্বদা সহজ যোগী, সহজ পুরুষার্থী, সদা সকলের মুশকিলকে সহজ করে দেয়, এইরকম বাবা সমান মাস্টার সর্বশক্তিমান, সদা সর্ব ধন-ঐশ্বর্যে পূর্ণ, সর্ব ধনভাণ্ডারের দ্বারা নিজের সাথে বিশ্বের সেবা করে, এমন শ্রেষ্ঠ আত্মাদের বাপদাদার স্মরণ-স্নেহ আর নমস্কার ।

মাতাদের বিভিন্ন গ্রুপের সাথে বাপদাদার সাক্ষাৎকারঃ -

সবাই তোমরা কল্প পূর্বের তোমাদের নিজেদের ছবি দেখতে থাকো ? এমন কোন ছবি যাতে তোমরা বাবার সাথেও আছ এবং সেবাও দেখানো হয়েছে । গোবর্ধন পর্বত ওঠানোর । এই ছবিতে বাবার সাথে বাচ্চারা আছে এবং উভয়েই সেবা করছে । পর্বত ওঠাতে তোমার আঙুল দেওয়া, সেতো সবাই

হলো, তাই না ! তোমাদের মনে উৎসাহ আসে কারন তোমাদের সহযোগের স্মৃতিচিহ্ন তৈরি হয়ে গেছে, তাই না ! আঙুল সহযোগের চিহ্ন । সবাই তোমরা বাপদাদার সহযোগী হয়েছ, তাই না ! তোমরা জন্ম কেন নিয়েছ ? সহযোগী হওয়ার জন্য । সুতরাং সদা স্মৃতিতে রাখো, আমরা জন্ম থেকে সহযোগী আত্মা । প্রথমে তোমরা কোনকিছু জানতে না, সেইজন্য তন, মন, ধন ভক্তিতে লাগিয়েছ আর এখন যা কিছু বাকি আছে সেইসব বাবার সহযোগী হয়ে সত্য সেবায় ব্যবহার করছ । শতকরা ৯৯ ভাগ তোমরা নষ্ট করেছ, বাকি ১ শতাংশ অবশিষ্ট আছে । যদি সেটাও সহযোগে না লাগাবে তো কোথায় লাগাবে ! দেখ, কোথায় তোমরা সত্যযুগের রাজা ছিলে আর আজ কি হয়েছ ! এমনকি তোমাদের দেহে শক্তিই বা কোথায় ! এখনকার যুবকেরা বৃদ্ধ । বৃদ্ধরা যত কাজ করতে পারে, আজকের যুবকেরা তা করতে পারেনা । তারা নামেই যুবক । তোমরা তোমাদের ধন খুইয়েছ, দেবতা থেকে ব্যবসায়ী সম্প্রদায় (বৈশ্যবুদ্ধি) হয়ে গেছ । মনের শান্তিই বা আর কোথায় থাকল, লক্ষ্যহীন হয়ে ঘুরে মরছ ! তোমরা মনের শান্তি, তন, ধন সবকিছু খুইয়েছ, তাহলে আর থাকল কি ? তবুও তোমরা কৃতজ্ঞ থাকো, অন্ততঃ তন, মন, ধনের এখনো অবশিষ্ট এক শতাংশ ঈশ্বরীয় কার্যে ব্যবহার করলে ২১ জন্মের জন্য ২৫০০ বছরের জন্য জন্ম হয়ে যাবে । বাবা এমন সহযোগী বাচ্চাদের সদা স্নেহ দেন, সহযোগ দেন । আর এই সহযোগের ছবি আজও তোমরা দেখতে পাচ্ছ । এখন তোমরা এটা প্র্যাকটিস করছ আর ছবিও দেখছ । সাধারণতঃ মৃত্যুর পরে কেউ তার ছবি দেখতে পায়না । সাকার রূপে তোমরা তোমাদের পূর্ব কল্পের ছবি দেখছ । আগে তোমরা তোমাদেরই ছবির পূজা করতে । তখন যদি তোমরা সেই সম্বন্ধে জানতে তাহলে তাদের গায়ন করতে না, তোমরাই হয়ে যেতে । তাহলে এইভাবে সবাই তোমরা সহযোগী, তাই না ! সদা সর্ব কার্যে সহযোগ দেওয়ার শুভ সঙ্কল্প রেখে যে কোনো ধরনের বাতাবরণকে শক্তিশালী বানানোয় সদা সহযোগী হও । বাতাবরণে কোনরকম ওঠাপড়া হতে দিওনা । সহযোগী হওয়ার বদলে কখনও অবস্থার অবাস্থিত পরিবর্তনকারী হয়ে যেওনা । সদা সহযোগী হওয়া অর্থাৎ সদা সন্তুষ্ট । এক বাবা, দ্বিতীয় কেউ নয় - এই স্মৃতিতে অনবরত চলতে থাকো, উড়তে থাকো । কোনও সঙ্কল্প এলে চোখ তুলে ওপরে দিয়ে দাও আর নিজে নিঃসঙ্কল্প হয়ে চলতে থাকো । তোমার ভাব-ধারণা এবং সঙ্কল্প দেওয়া এক ব্যাপার আর অবস্থার অবাস্থিত পরিবর্তনের বশে আসা এক ব্যাপার । সুতরাং, সদা একরস স্থিতিতে থাকো । সঙ্কল্প দাও আর নিঃসঙ্কল্প হও । আত্ম-উন্নতি আর সেবার বৃদ্ধিতে সদা নিজেকে বিজি রাখো এবং সবার প্রতি শুভ ভাবনা রাখো । শুভ ভাবনায় যে সঙ্কল্প হয় সেইসব পূর্ণ হয়ে যাবে । শুভ সঙ্কল্প পূর্ণ হওয়ার সাধন হলো একরস অবস্থা । শুভ চিন্তনে, শুভ চিন্তক হওয়ার দ্বারা সর্বক্ষেত্রে তোমরা সম্পন্ন হয়ে যাবে । শক্তিশালী শ্রেষ্ঠ আত্মাদের কর্তব্য হলো চারিদিকের বাতাবরণকে শক্তিশালী বানানো । আচ্ছা ।

বরদানঃ - অব্যক্ত পালনার দ্বারা শক্তিশালী হয়ে 'লাস্ট সো ফাস্ট' হয়ে ফাস্ট নাম্বারের অধিকারী ভব

অব্যক্ত পার্টে আসা আত্মাদের পুরুষার্থে তীব্রগতিতে যাওয়ার ভাগ্য সহজেই প্রাপ্ত হয়েছে । এই অব্যক্ত পালনা সহজেই তোমাকে শক্তিশালী বানায় । এইজন্য যে যত সামনে এগোতে চায় এগিয়ে যেতে পারে । এই সময় 'লাস্ট সো ফাস্ট' এবং 'ফাস্ট সো ফাস্ট' -এর বরদান প্রাপ্ত হয় । সুতরাং এই বরদানকে কার্যে লাগাও অর্থাৎ সময় অনুসারে বরদানকে স্বরূপ বানাও । যা কিছু প্রাপ্ত হয়েছে ইউজ করো তবে ফাস্ট নম্বরে আসার অধিকার প্রাপ্ত হয়ে যাবে ।

স্লোগান:- স্বমানের সীটে সেট থাকলে তবে সকলের থেকে মান স্বতঃপ্রাপ্ত হবে ।